



UNIVERSITÄTS-  
BIBLIOTHEK  
PADERBORN

## **Flores Meditationvm**

**Bebius, Philippus**

**Coloniae Agripp., 1623**

Medit. 24. De Contemptu apud Herodem.

---

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

2. Si Christus Herodi respondisset, rex illum scilicet laudasset, non ipse se emendasset. Exemplo fuit ergo nobis Dominus, ut inanem gloriam caueamus: nempe de rebus ex quibus neque gloria Dei, neque proximorum utilitas, sed nostra solum laus existat planè taceamus, & malimus cum Christo à superbis hominibus contemni, quàm inaniter prædicari.

3. Noluit Herodi curiosè quærenti respondere Christus, ut doceret nos in concionibus ac sermone non hoc sequi ut curiosorum auditorum intelligentiam pascamus; illud potius, ut pijs illos ad morum emendationem commoueamus affectibus.

4. Mors potius præoptanda est, quam in gratiam cuiusquam mortalis vllum peccatum admittendum, ut Christus maluit ab Herode dånari, quàm curiosè ipsius cupiditati obsequi.

5. Diuina mysteria curiosè scrutari non debemus, neq; ut Herodes, cum arido corde exiguum habemus pietatis sensum, multa cum Deo verba facere: neque enim vlla responsione ab illo dignabimur.

6. Gratia & dona diuinitus communicata, non cuius aperienda sunt; sed ijs solum à quibus fructus aliquis expectari potest.



MEDITATIO XXIV.  
CHRISTVS TANQVAM  
STVLTVS AB HERODE

CONTEMNITVR.

PVNCTA MEDITATIONIS.

I. Herodes, R. spreuit illum cū exercitu suo. Luc. 23.

II. In-

II. *Indutum veste alba remisit ad Pilatum.*

III. *Facti sunt amici, illa ipsa die, cum ante inimici essent.*

---

FIGURA.

I. Re. 23. **D**AVID pro stulto habitus & contemptus fuit ab Achis Rege Geth.

---

PROPHETIÆ.

Psal. 2. **A**STITERUNT Reges terra, & Principes conuenerunt in unum aduersus Dominum, & aduersus Christum eius.

Hier. 3. *Factus sum in derisum omni populo, canticum eorum tota die.*

---

DOCUMENTA.

1. **S**i à mundo contemnimur, gaudeamus: Snam si ab eo laudaremur, indicium esset improbitatis nostræ: Is enim nos est sæculi accusare bonos, improbos laudare, quod Christo accidit.

2. Mundus cum suis, tum sermone tum factis vitiosis, virtutem & bonitatem nihili aestimat, atque adeo pro stultitia habet. Qua ex re colliges, quam parui opiniones & iudicia mundanorum hominum facere debeamus.

3. Si deridemur & desipere putamur, eò quod Deo virtutibus prosequendis seruiamus, nihil nobis triste videatur, sed latum potius & iucundum, quod à similitudine Christi propius absumus.

4. Reli-

MEDITATIO NVM. 283

4. Religiosum virum nequaquam abiecti & simplicis habitus sui pudere debet. Christus enim nostra causa ne fatui quidem habitum recusavit.

5. Quoties aut plurium aut meliorum vestium, quā status noster exigit, cupiditate tenemur: toties pauperi & humili Iesu illudimus.

6. Quanquam non explevit votum Herodis Christus, quippe quod nulli bono esset, alia tamen parte beneficium contulit, quod non petebat: dum cum Pilato illum restituit in gratiam. Sic si quando concedat Dominus quod petimus, nunquam tamen non dat illius loco aliud melius, & aptius salutis nostrae.

7. Non satis fuit Herodi spreuisse Christum, sed remittit etiam indutum veste alba & ridicula, ut eum alijs similiter deridendum praeberet. Id nos imitamur, quoties non contenti in animo iudicare de proximo, sed verbis etiam ad audientes proferimus, ut & apud illos existimationis iacturam faciat.



MEDITATIO XXV.  
BARRABAS CHRISTO

PRÆFERTVR.

PVNCTA MEDITATIONIS.

I. Christo reducto, dicit Pilatus; nec se, *Mat. 27*  
nec Herodem inuenire causam mor- *Mar. 14.*  
tis: itaque vult eum flagellare. *Luc. 23.*  
*Ioan. 18.*

II. Quo-